

სახელმწიფო სერვისების განვითარების სააგენტოს მონაცემთა ელექტრონულ ბაზაში ფიზიკურ პირზე არსებული ინფორმაციის დასაქმების ხელშეწყობის სახელმწიფო სააგენტოსათვის მიწოდების შესახებ

ქ. თბილისი

14 მაისი, 2020 წ.

საჯარო სამართლის იურიდიული პირი - სახელმწიფო სერვისების განვითარების სააგენტო (შემდგომში - სააგენტო), წარმოდგენილი სააგენტოს თავმჯდომარის, ზურაბ სანიკიძის სახით, საჯარო სამართლის იურიდიული პირი - მონაცემთა გაცვლის სააგენტო (შემდგომში - მონაცემთა გაცვლის სააგენტო), წარმოდგენილი მონაცემთა გაცვლის სააგენტოს თავმჯდომარის, ნიკოლოზ გაგნიძის სახით, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო (შემდგომში - სამინისტრო), წარმოდგენილი სამინისტროს ინფორმაციული ტექნოლოგიებისა და ანალიტიკის დეპარტამენტის უფროსის მიხეილ ჯანიაშვილის სახით და საჯარო სამართლის იურიდიული პირი - დასაქმების ხელშეწყობის სახელმწიფო სააგენტო (შემდგომში - დასაქმების სააგენტო), წარმოდგენილი დასაქმების სააგენტოს დირექტორის დროებითი მოვალეობის შემსრულებლის, თამილა ბარკალაიას სახით, შემდგომში ერთობლივად მხარეებად წოდებულნი,

„პერსონალურ მონაცემთა დაცვის შესახებ“ საქართველოს კანონის მე-5 მუხლის „ბ“ და „გ“ ქვეპუნქტების, „სახელმწიფო სერვისების განვითარების სააგენტოს შესახებ“ საქართველოს კანონის მე-4 მუხლის მე-3 პუნქტის, „საჯარო სამართლის იურიდიული პირის - მონაცემთა გაცვლის სააგენტოს შექმნის შესახებ“ საქართველოს კანონის მე-6 მუხლის „დ“ ქვეპუნქტის, „ახალი კორონავირუსით (SARS-COV-2) გამოწვეული ინფექციის (COVID-19) შედეგად მიყენებული ზიანის შემსუბუქების მიზნობრივი სახელმწიფო პროგრამის დამტკიცების შესახებ“ საქართველოს მთავრობის 2020 წლის 4 მაისის №286 დადგენილებით დამტკიცებული ახალი კორონავირუსით (SARS-COV-2) გამოწვეული ინფექციის (COVID-19) შედეგად მიყენებული ზიანის შემსუბუქების მიზნობრივი სახელმწიფო პროგრამის პირველი მუხლის მე-5 და მე-6 პუნქტების, მე-2 მუხლის პირველი პუნქტის „ა“, „ე“ და „ვ“ ქვეპუნქტები, მე-2 მუხლის მე-5 პუნქტის „ბ“ და „გ“ ქვეპუნქტების, ამავე მუხლის მე-7 პუნქტის, მე-3 მუხლის პირველი პუნქტის „ვ“ ქვეპუნქტის, მე-18 და მე-19 პუნქტების საფუძველზე და დასაქმების სააგენტოს 2020 წლის 6 მაისის №05/109 (სააგენტოში რეგისტრაციის №53285; 06.05.2020წ.) წერილის შესაბამისად, წინამდებარე ხელშეკრულებით თანხმდებიან შემდეგზე:

მუხლი 1. ხელშეკრულების საგანი

ხელშეკრულების საგანია სააგენტოს მონაცემთა ელექტრონულ ბაზაზე დასაქმების სააგენტოს რეალურ დროში დაშვება, აღნიშნულ ბაზაში ფიზიკურ პირზე არსებული ინფორმაციის სამინისტროს ინფორმაციული ტექნოლოგიების ინფრასტრუქტურის (შემდგომში - სამინისტროს ინფრასტრუქტურა) და მონაცემთა გაცვლის სააგენტოს მონაცემთა გაცვლის ერთიანი სისტემის (შემდგომში - მონაცემთა გაცვლის ინფრასტრუქტურა) მეშვეობით, ხელშეკრულებით დადგენილი წესით/ფარგლებში დასაქმების სააგენტოსათვის მიწოდების მიზნით.

მუხლი 2. დასაქმების სააგენტოსთვის ინფორმაციის მიწოდების მიზანი

სააგენტოს მონაცემთა ელექტრონულ ბაზაში ფიზიკურ პირზე არსებული ინფორმაციის დასაქმების სააგენტოსთვის მიწოდების მიზანს წარმოადგენს ახალი კორონავირუსით გამოწვეული პანდემიის გავრცელების შედეგად მიყენებული ზიანის შემსუბუქების მიზნით სახელმწიფო დახმარების შეწყვეტის მიზნით ფიზიკური პირის (მონაცემთა სუბიექტის) იდენტიფიცირების უზრუნველყოფა.

მუხლი 3. კავშირის უზრუნველყოფა

- 3.1 დასაქმების სააგენტოსათვის ინფორმაციის მიწოდება ხორციელდება სამინისტროს ინფრასტრუქტურისა და მონაცემთა გაცვლის ინფრასტრუქტურის მეშვეობით.
- 3.2 მონაცემთა გაცვლის ინფრასტრუქტურის მეშვეობით დასაქმების სააგენტოსათვის ინფორმაციის მისაწოდებლად მხარეთა შორის კავშირი მყარდება დახურული კერძო ქსელის (VPN) საშუალებით,

რომელიც აიგება ინტერნეტ სერვის პროვაიდერის საკომუნიკაციო არხების ბაზაზე. დახურული კერძო ქსელის აგებისას გამოყენებული ქსელური მოწყობილობა უნდა აკმაყოფილებდეს შემდეგ მინიმალური მოთხოვნებს:

- ა) მარშრუტიზაციისა და IPSec Tunnel ტექნოლოგიის მხარდაჭერა;
- ბ) შიფრაციის პროტოკოლის 3DES მხარდაჭერა;
- გ) ჰეშირების პროტოკოლის SHA მხარდაჭერა.

- 3.3 სამინისტროს ინფრასტრუქტურაში დასაქმების სააგენტოს ჩართვას, სამინისტროს ინფრასტრუქტურის გამართულ მუშაობას და მისი შეუფერხებლად გამოყენების მხარდაჭერას უზრუნველყოფს სამინისტრო.
- 3.4 მონაცემთა გაცვლის ინფრასტრუქტურაში დასაქმების სააგენტოს ჩართვას, მონაცემთა გაცვლის ინფრასტრუქტურის გამართულ მუშაობას და მისი შეუფერხებლად გამოყენების მხარდაჭერას უზრუნველყოფს მონაცემთა გაცვლის სააგენტო.
- 3.5 სამინისტრო ხელშეკრულების ამოქმედებიდან 10 (ათი) სამუშაო დღის ვადაში უკავშირდება მონაცემთა გაცვლის სააგენტოს უფლებამოსილ წარმომადგენელს - ხელშეკრულების 9.2 პუნქტით გათვალისწინებულ პირს, რის შემდეგაც მხარეები ერთობლივად, 10 (ათი) სამუშაო დღის (სამუშაო დღე განიმარტება - 09:00 საათიდან 18:00 საათამდე ყოველდღე, შაბათ-კვირისა და საქართველოს შრომის კოდექსით გათვალისწინებული უქმე დღეების გარდა) ვადაში უზრუნველყოფენ დახურული კერძო ქსელის (VPN) კონფიგურირებას (გამართვას).

მუხლი 4. ავთენტიფიკაცია და ავთენტიფიკაციის სერტიფიკატის მიწოდება

- 4.1 დახურული კერძო ქსელით ინფორმაციის გაცვლისას სააგენტო და დასაქმების სააგენტო ერთმანეთის ამოცნობას (ავთენტიფიკაციას) ახორციელებენ სააგენტოს მიერ გაცემული ელექტრონული სერტიფიკატის მეშვეობით.
- 4.2 ხელშეკრულების ამოქმედებიდან 3 (სამი) სამუშაო დღის ვადაში, სააგენტო ხელშეკრულების 10.1 პუნქტით განსაზღვრულ დასაქმების სააგენტოს წარმომადგენელს გადასცემს ელექტრონულ სერტიფიკატს.
- 4.3 სააგენტო უფლებამოსილია, საჭიროების შემთხვევაში, გამოსცეს ახალი ელექტრონული სერტიფიკატი და უზრუნველყოს მისი დასაქმების სააგენტოსათვის გადაცემა.
- 4.4 დასაქმების სააგენტო უფლებამოსილია, საჭიროების შემთხვევაში, ახალი ელექტრონული სერტიფიკატის გამოცემის მოთხოვნით წერილობით მიმართოს სააგენტოს, რომელიც, ზემოაღნიშნული წერილის მიღებიდან 3 (სამი) სამუშაო დღის ვადაში, გამოსცემს ახალ სერტიფიკატს დასაქმების სააგენტოს მიერ წარდგენილი მონაცემებით. წერილში მითითებული უნდა იყოს შემდეგი რეკვიზიტები:
- ა) ელექტრონული სერტიფიკატის მფლობელის დასახელება ქართულ და ინგლისურ ენაზე;
 - ბ) ელექტრონული სერტიფიკატის მიღებაზე უფლებამოსილი პირის სახელი, გვარი, ტელეფონის ნომერი;
 - გ) ელექტრონული ფოსტის მისამართი, რომელზეც გაიგზავნება ელექტრონული სერტიფიკატის რეკვიზიტები.
- 4.5 დასაქმების სააგენტო, ხელშეკრულების 4.3 და 4.4 პუნქტებით გათვალისწინებული ელექტრონული სერტიფიკატის მიღებიდან არაუმეტეს 2 (ორი) სამუშაო დღეში, უზრუნველყოფს სააგენტოს მიერ გადაცემული ახალი ელექტრონული სერტიფიკატის ინტეგრირებას, რის შესახებაც დაუყონებლივ ახდენს სააგენტოს ინფორმირებას, ძველი ელექტრონული სერტიფიკატის გაუქმების მიზნით. წინააღმდეგ შემთხვევაში, სააგენტო უფლებამოსილია, ახალი ელექტრონული სერტიფიკატის გადაცემიდან 2 (ორი) სამუშაო დღის ვადაში, გააუქმოს დასაქმების სააგენტოს მიმართ გაცემული წინა ელექტრონული სერტიფიკატი.
- 4.6 ელექტრონული სერტიფიკატის ვადის გასვლამდე არაუგვიანეს 3 (სამი) სამუშაო დღით ადრე, დასაქმების სააგენტო მიმართავს სააგენტოს ახალი ელექტრონული სერტიფიკატის გაცემის მოთხოვნით.

- 4.7 ელექტრონული სერტიფიკატის დამატებითი უსაფრთხოების უზრუნველყოფის მიზნით მისი შეცვლის საჭიროებისას, სააგენტო და დასაქმების სააგენტო ვალდებული არიან, დაუყონებლივ მოახდინონ ერთმანეთის ინფორმირება. ამასთან, სააგენტომ არაუმეტეს ერთი სამუშაო დღეში უნდა გამოსცეს ახალი ელექტრონული სერტიფიკატი, ხოლო დასაქმების სააგენტომ არაუმეტეს ერთ სამუშაო დღეში მოახდინოს მისი ინტეგრირება.
- 4.8 დასაქმების სააგენტოსთვის ელექტრონული სერტიფიკატის გადაცემა შესაძლოა მოხდეს როგორც დასაქმების სააგენტოს მხრიდან ელექტრონული სერტიფიკატის მიღებაზე უფლებამოსილი წარმომადგენლისათვის პირადად გადაცემის, ფოსტის/ელექტრონული ფოსტის მეშვეობით გაგზავნის, ასევე ელექტრონული სერტიფიკატის სააგენტოს მონაცემთა გაცვლის სერვერზე განთავსების მეშვეობით. ელექტრონული სერტიფიკატის სააგენტოს მონაცემთა გაცვლის სერვერზე განთავსების შემთხვევაში, სააგენტო დასაქმების სააგენტოს გადასცემს მონაცემთა გაცვლის სერვერთან დაკავშირებისათვის საჭირო რეკვიზიტებს: სერვერის მისამართს, სერვერზე წვდომის მომხმარებლის სახელს და პაროლს.
- 4.9 ელექტრონული სერტიფიკატის გადაცემის თაობაზე, ხელშეკრულების 10.1 პუნქტით განსაზღვრულ სააგენტოსა და დასაქმების სააგენტოს წარმომადგენლებს შორის, ფორმდება მიღება-ჩაბარების აქტი. დასაქმების სააგენტოსთვის გადაცემული ელექტრონული სერტიფიკატის გამოყენებით, ამ ხელშეკრულებით დადგენილი წესით ინფორმაციის გამოთხოვისას, სააგენტოსათვის ინფორმაციის გამომთხოვად ითვლება დასაქმების სააგენტო, მიუხედავად მოთხოვნის ინიციატორისა.

მუხლი 5. ინფორმაციის გამოთხოვისა და პასუხის მიწოდების წესი

- 5.1. ხელშეკრულების მე-2 მუხლით გათვალისწინებული მიზნებისათვის დასაქმების სააგენტოს მიერ ინფორმაციის გამოთხოვა და მისთვის პასუხის მიწოდება ხორციელდება ხელშეკრულების №1 დანართით გათვალისწინებული წესით.
- 5.2. მხარეთა შორის ხელშეკრულების 5.1 პუნქტით გათვალისწინებული ინფორმაციის გაცვლისას, დასაქმების სააგენტო მის მიერ შესრულებულ მოთხოვნას ხელს აწერს სააგენტოს მიერ დასაქმების სააგენტოს სახელზე გაცემული აქტიური ელექტრონული სერტიფიკატის მეშვეობით, ხოლო სააგენტო დასაქმების სააგენტოს მოთხოვნაზე პასუხს უბრუნებს სააგენტოს მიერ სააგენტოს სახელზე გაცემული აქტიური ელექტრონული სერტიფიკატით ხელმოწერილი სახით. ინფორმაციის გაცვლის დროს შეკითხვისა და პასუხის ინფორმაციულ ობიექტებში ხელმოსაწერი ქვეობიექტები განისაზღვრება ხელშეკრულების №1 და №2 დანართებით.
- 5.3. მხარეთა შორის ხელშეკრულების 5.1 პუნქტით გათვალისწინებული ინფორმაციის გაცვლა ხორციელდება დაშიფრული სახით. ინფორმაციის გაცვლის დროს შეკითხვისა და პასუხის ინფორმაციულ ობიექტებში დასაშიფრი ქვეობიექტები განისაზღვრება ხელშეკრულების №1 დანართით.
- 5.4. შიფრაციის გასაღების განახლების პერიოდი და შიფრაციის გასაღების გაცვლის წესი განისაზღვრება ხელშეკრულების №2 დანართში მითითებული ინსტრუქციითა და პერიოდულობით.
- 5.5. სააგენტო დასაქმების სააგენტოს შეკითხვაზე პასუხის სახით უგზავნის შეტყობინებას სააგენტოს მონაცემთა ბაზაში ინფორმაციის ვერ მოძიების ან დასაქმების სააგენტოსგან მიღებული შეკითხვის არავალიდურობის შესახებ, თუ აღმოჩნდა, რომ:
- ა) მოწოდებული პარამეტრების კომბინაციით სააგენტოს მონაცემთა ბაზაში არ იძებნება ინფორმაცია;
 - ბ) დასაქმების სააგენტოს მიერ გამოგზავნილი შეკითხვის ფორმატი არ შეესაბამება შესაბამისი დანართით გათვალისწინებულ შეკითხვის ფორმატს;
 - გ) დასაქმების სააგენტოს მიერ გამოგზავნილ შეკითხვის ობიექტში დასაქმების სააგენტოს ელექტრონული სერტიფიკატით ხელმოწერა არ არის განხორციელებული შესაბამისი დანართით გათვალისწინებულ ინფორმაციულ ქვეობიექტზე ან/და ხელმოწერა განხორციელებულია არავალიდური ელექტრონული სერტიფიკატით;
 - დ) დასაქმების სააგენტოს მიერ ხელშეკრულების 5.3 პუნქტის შესაბამისად გამოგზავნილ შეკითხვის ობიექტში შიფრაცია არ არის განხორციელებული შესაბამისი დანართით

გათვალისწინებულ ინფორმაციულ ქვეობიექტზე ან/და შიფრაცია განხორციელებულია არავალიდური შიფრაციის გასაღებით.

მუხლი 6. ინფორმაციის გამოთხოვისა და მიწოდების ტესტირება

- 6.1. დახურული კერძო ქსელის (VPN), სამინისტროსა და მონაცემთა გაცვლის ინფრასტრუქტურის მეშვეობით დასაქმების სააგენტოსთვის პასუხის მიწოდების გამართულად მუშაობის დადასტურების მიზნით, დასაქმების სააგენტო უფლებამოსილია, ისარგებლოს ტესტირების რეჟიმით.
- 6.2. ტესტირების განმავლობაში, დასაქმების სააგენტო უფლებამოსილია ხელშეკრულების 5.1 პუნქტით გათვალისწინებული წესით სააგენტოს ელექტრონული ბაზიდან გამოითხოვოს სატესტო მონაცემები.
- 6.3. ტესტირების რეჟიმის დასრულების შემდეგ, ხელშეკრულების 9.2 პუნქტით გათვალისწინებული ორგანიზაციის უფლებამოსილი პირი ვალდებულია ელექტრონული ფოსტის მეშვეობით კომუნიკაციის გზით ხელშეკრულების ამავე პუნქტით გათვალისწინებულ სააგენტოს უფლებამოსილ პირს შეატყობინოს ტესტირების პროცესის დასრულების შესახებ ინფორმაცია და მოთხოვოს ხელშეკრულების 5.1 პუნქტით გათვალისწინებული წესით სააგენტოს ელექტრონული ბაზიდან ფიზიკურ პირზე არსებული მონაცემების მიღება.
- 6.4. ტესტირების რეჟიმის დასრულების შემდეგ, ხელშეკრულების 10.2 პუნქტით გათვალისწინებულ პირებს შორის ფორმდება დახურული კერძო ქსელის (VPN) გამართვისა და სამინისტროსა და მონაცემთა გაცვლის ინფრასტრუქტურის მეშვეობით დასაქმების სააგენტოს მიერ მონაცემთა გამოთხოვისა და გამოთხოვილ მონაცემებზე პასუხის (შემდეგში - პასუხი) სახით ინფორმაციის მიწოდების მზაობის თაობაზე მიღება-ჩაბარების აქტი.
- 6.5. ხელშეკრულების 6.4 პუნქტით გათვალისწინებული მიღება-ჩაბარების აქტის გაფორმების შემდგომ, დასაქმების სააგენტო უფლებამოსილია ხელშეკრულების 5.1 პუნქტით განსაზღვრული წესით გამოითხოვოს და მიიღოს სააგენტოს მონაცემთა ელექტრონულ ბაზაში ფიზიკურ პირზე არსებული მონაცემები.
- 6.6. დახურული კერძო ქსელის (VPN) სამინისტროსა და მონაცემთა გაცვლის ინფრასტრუქტურის მეშვეობით დასაქმების სააგენტოსთვის პასუხის მიწოდების გამართულად მუშაობის ტესტირება ასევე შესაძლებელია განხორციელდეს სააგენტოს მიერ დასაქმების სააგენტოსათვის ახალი ელექტრონული სერტიფიკატის გადაცემისას ან/და მხარეების მიერ პროგრამული ცვლილების დანერგვა/განხორციელებისას, რამაც შეიძლება გავლენა მოახდინოს ინფორმაციის გამოთხოვის პროცესზე.
- 6.7. ხელშეკრულების 6.4 პუნქტით გათვალისწინებული მიღება-ჩაბარების აქტის გაფორმების შემდეგ, დასაქმების სააგენტოს დასაბუთებული მოთხოვნის საფუძველზე, სააგენტო უფლებამოსილია დასაქმების სააგენტოს ნება დართოს, ისარგებლოს ტესტირების რეჟიმით.
- 6.8. ხელშეკრულების 6.2 და 6.6 პუნქტებით გათვალისწინებულ შემთხვევაში, დასაქმების სააგენტოს მიერ სააგენტოს მონაცემთა ელექტრონული ბაზიდან ინფორმაცია გამოთხოვილად ითვლება, თუ სააგენტოს მიერ აღრიცხულ იქნა დასაქმების სააგენტოსთვის ინფორმაციის გაგზავნა ან/და დასაქმების სააგენტოს მიერ აღრიცხულ იქნა ინფორმაციის მიღება.
- 6.9. ხელშეკრულების 6.1 პუნქტით განსაზღვრული მიზნებისათვის, სააგენტო ხელშეკრულების 9.2 პუნქტით განსაზღვრულ დასაქმების სააგენტოს უფლებამოსილ პირს უგზავნის ვებ-სერვისის სატესტო მეთოდის მახასიათებლებსა და სატესტო მონაცემებს, რომელთა მეშვეობითაც შესაძლებელია სააგენტოს მონაცემთა ბაზიდან სატესტო რეჟიმში ინფორმაციის გამოთხოვა.

მუხლი 7. ინფორმაციის გამოთხოვისა და მიწოდების აღრიცხვა

- 7.1 მხარეები ვალდებულნი არიან აწარმოონ ინფორმაციის გამოთხოვისა და მიწოდების ელექტრონული აღრიცხვა.
- 7.2 დასაქმების სააგენტო ყოველ განხორციელებულ გზავნილს ანიჭებს უნიკალურ იდენტიფიკატორს.
- 7.3 დასაქმების სააგენტო სამინისტროს ტექნიკური მხარდაჭერის მეშვეობით აღრიცხავს თითოეულ მოთხოვნას და მისი გაგზავნის დროს, მიღებულ პასუხს და მისი მიღების დროს.

- 7.4 დასაქმების სააგენტო სამინისტროს ტექნიკური მხარდაჭერის მეშვეობით უზრუნველყოფს მისგან გაგზავნილი ყოველი მოთხოვნის ავტორის (მომხმარებლის) იდენტიფიცირებასა და აღრიცხვას.
- 7.5 მონაცემთა გაცვლის სააგენტო დასაქმების სააგენტოსაგან მონაცემთა გაცვლის ინფრასტრუქტურის მეშვეობით წარმატებულად მიღებულ გზავნილს ანიჭებს უნიკალურ იდენტიფიკატორს, რომლის მეშვეობითაც ხორციელდება თითოეული მოთხოვნა-პასუხის იდენტიფიკაცია.
- 7.6 მონაცემთა გაცვლის სააგენტო აღრიცხავს მონაცემთა გაცვლის ინფრასტრუქტურის მეშვეობით ინფორმაციის გამოთხოვის საერთო რაოდენობას, თითოეული მოთხოვნის შემოსვლისა და მოთხოვნაზე პასუხის გაგზავნის დროს.
- 7.7 სააგენტო თითოეულ მოთხოვნას ანიჭებს უნიკალურ იდენტიფიკატორს.
- 7.8 სააგენტო აღრიცხავს მიღებულ მოთხოვნასა და მისი შემოსვლის დროს, გაგზავნილ პასუხსა და მისი გაგზავნის დროს.

მუხლი 8. მხარეთა ვალდებულებები

8.1 სააგენტო ვალდებულია:

- ა) დასაქმების სააგენტოს მიერ ამ ხელშეკრულებით გათვალისწინებული წესით ინფორმაციის გამოთხოვისას, უზრუნველყოს მონაცემთა ელექტრონულ ბაზაში არსებული ინფორმაციის ამ ხელშეკრულებით დადგენილი წესითა და დანართების შესაბამისად მონაცემთა გაცვლის სააგენტოსათვის მიწოდება, რომელიც თავის მხრივ, უზრუნველყოფს სააგენტოს მიერ მიწოდებული პასუხის დასაქმების სააგენტოსათვის გადაგზავნას;
- ბ) ამ ხელშეკრულებით დადგენილ ვადებში და წესით გამოსცეს და მიაწოდოს დასაქმების სააგენტოს მხრიდან უფლებამოსილ პირს ხელშეკრულების მე-4 მუხლით განსაზღვრული ავთენტიფიკაციის ელექტრონული სერტიფიკატი;
- გ) უზრუნველყოს მონაცემთა გაცვლის სააგენტოსთვის მიწოდებულ და სააგენტოს მონაცემთა ელექტრონულ ბაზაში დაცულ ინფორმაციას შორის შესაბამისობა;
- დ) დასაქმების სააგენტოს მოთხოვნის საფუძველზე, 3 (სამი) სამუშაო დღის ვადაში და მოთხოვნის შესაბამისი ფორმით, წარუდგინოს მომთხოვნ მხარეს ხელშეკრულების 7.7 და 7.8 პუნქტებით განსაზღვრული ინფორმაცია;
- ე) მონაცემთა გაცვლის სააგენტოს მოთხოვნის საფუძველზე, 3 (სამი) სამუშაო დღის ვადაში და მოთხოვნის შესაბამისი ფორმით, მონაცემთა გაცვლის სააგენტოს წარუდგინოს ხელშეკრულების 7.7 და 7.8 პუნქტებით განსაზღვრული ინფორმაცია, გარდა ინფორმაციის შინაარსისა;
- ვ) ხელშეკრულების 9.2 პუნქტით განსაზღვრულ მონაცემთა გაცვლის სააგენტოს უფლებამოსილ პირს ცვლილებამდე არაუგვიანეს 2 (ორი) სამუშაო დღით ადრე აცნობოს საკუთარი ინფრასტრუქტურის იმგვარი ტექნიკური ცვლილების თაობაზე, რომელიც გავლენას ახდენს მხოლოდ სააგენტოსა და მონაცემთა სააგენტოს ურთიერთკავშირზე და უზრუნველყოს ტექნიკური სამუშაოების ჩატარება სამინისტროსთან შეთანხმებული გრაფიკით;
- ზ) ხელშეკრულების 9.2 პუნქტით განსაზღვრულ მონაცემთა გაცვლის სააგენტოსა და დასაქმების სააგენტოსა და სამინისტროს უფლებამოსილ პირებს დაუყონებლივ მიაწოდოს ინფორმაცია საკუთარი ინფრასტრუქტურის წვდომაზე წინასწარ უცნობი შეფერხების ან/და იმ აუცილებელი (გადაუდებელი) ტექნიკური ცვლილების თაობაზე, რომელმაც შესაძლოა გამოიწვიოს სააგენტოს ინფრასტრუქტურის წვდომაზე შეფერხება;
- თ) ხელშეკრულების 9.2 პუნქტით განსაზღვრულ მონაცემთა გაცვლის სააგენტოსა და დასაქმების სააგენტოსა და სამინისტროს უფლებამოსილ პირებს აცნობოს საკუთარი ინფრასტრუქტურის წვდომაზე წინასწარ ცნობილი შეფერხების თაობაზე, შეფერხებამდე არაუგვიანეს 2 (ორი) სამუშაო დღით ადრე;
- ი) არ დაუშვას დასაქმების სააგენტოსგან მიღებული ინფორმაციის გადაცემა ან სხვაგვარი ხელმისაწვდომობა მესამე პირებისათვის (გარდა, კანონმდებლობით პირდაპირ გათვალისწინებული შემთხვევებისა), როგორც ხელშეკრულების მოქმედების განმავლობაში, ისე მისი დასრულების შემდგომ.

8.2 სამინისტრო ვალდებულია:

- ა) სააგენტოს მონაცემთა ელექტრონულ ბაზაში ფიზიკურ პირზე არსებული ინფორმაციის დასაქმების სააგენტოსათვის მიწოდების მიზნით, უზრუნველყოს მხარეთა მიერ სამინისტროს ინფრასტრუქტურით სარგებლობა;
- ბ) უზრუნველყოს სამინისტროს ინფრასტრუქტურის მდგრადი და გამართული ფუნქციონირება, მისი უსაფრთხოება და ხელშეკრულების მხარეთა მიერ სამინისტროს ინფრასტრუქტურის გამოყენებისთვის აუცილებელი ინფორმაციული მხარდაჭერა;
- გ) უზრუნველყოს დასაქმების სააგენტოს მოთხოვნის სააგენტოსთვის და მოთხოვნაზე სააგენტოს პასუხის დასაქმების სააგენტოსთვის უცვლელად და დაუყოვნებლივ მიწოდება;
- დ) უზრუნველყოს ხელშეკრულების ფარგლებში მის მიერ მიღებული და გაგზავნილი ინფორმაციის კონფიდენციალობა და უსაფრთხოება.
- ე) განახორციელოს ხელშეკრულების 3.2 პუნქტით გათვალისწინებული კავშირის უზრუნველსაყოფად საჭირო ღონისძიებები;
- ვ) ხელშეკრულების 6.4 პუნქტით გათვალისწინებულ მიღება-ჩაბარების აქტში მითითებული თარიღიდან, სააგენტოსა და დასაქმების სააგენტოს შორის მონაცემთა გაცვლა უზრუნველყოს მხოლოდ რეალურ გარემოში, გარდა ხელშეკრულების 6.2 და 6.6 პუნქტებით გათვალისწინებული შემთხვევებისა;
- ზ) ხელშეკრულების 9.2 პუნქტით განსაზღვრულ სააგენტოს უფლებამოსილ პირს დაუყოვნებლივ მიაწოდოს ინფორმაცია საკუთარი ინფრასტრუქტურის წვდომაზე წინასწარ უცნობი შეფერხების ან/და იმ აუცილებელი (გადაუდებელი) ტექნიკური ცვლილების თაობაზე, რომელმაც შესაძლოა გამოიწვიოს მის ინფრასტრუქტურაზე წვდომის შეფერხება;
- თ) ხელშეკრულების 9.2 პუნქტით განსაზღვრულ სააგენტოს, მონაცემთა გაცვლის სააგენტოსა და დასაქმების სააგენტოს უფლებამოსილ პირებს აცნობოს საკუთარი ინფრასტრუქტურის წვდომაზე წინასწარ ცნობილი შეფერხების თაობაზე, შეფერხებამდე არაუგვიანეს 3 (სამი) სამუშაო დღით ადრე;
- ი) ხელშეკრულების 9.2 პუნქტით განსაზღვრულ სააგენტოს უფლებამოსილ პირს ცვლილებამდე არაუგვიანეს 3 (სამი) სამუშაო დღით ადრე აცნობოს საკუთარი ინფრასტრუქტურის იმგვარი ტექნიკური ცვლილების თაობაზე რომელიც გავლენას ახდენს მხოლოდ სააგენტოსა და სამინისტროს ურთიერთკავშირზე და უზრუნველყოს ტექნიკური სამუშაოების ჩატარება სააგენტოსთან შეთანხმებული გრაფიკით;
- კ) არ დაუშვას სააგენტოს მონაცემთა ბაზაზე მესამე პირთა წვდომა, სააგენტოსგან მიღებული ინფორმაციის მესამე პირებისათვის გადაცემა, გადაცემის მიზნით დამუშავება/სისტემატიზაცია ან/და სხვაგვარი ხელმისაწვდომობა (გარდა კანონმდებლობით პირდაპირ გათვალისწინებული შემთხვევებისა), როგორც ხელშეკრულების მოქმედების ვადის განმავლობაში, ისე მისი ვადის გასვლის შემდგომ; აღნიშნული არ ვრცელდება სააგენტოს მონაცემთა ბაზიდან მიღებული ინფორმაციის დასაქმების სააგენტოსთვის გადაცემასა და გადაცემის მიზნით დამუშავება/სისტემატიზაციაზე;
- ლ) ხელშეკრულების 10.3 პუნქტით გათვალისწინებულ მიღება-ჩაბარების აქტებზე ხელმომწერ პირთა უფლებამოსილების დადგენისათვის, მიღება-ჩაბარების აქტების გაფორმების მომენტისათვის ხელშეკრულების დანარჩენ მხარეებს წერილობით ან ელ. ფოსტით მეშვეობით აცნობოს უფლებამოსილი პირების მოვალეობის შესრულების შეთავსების შესახებ ინფორმაცია და ხელშეკრულებით გათვალისწინებული მათი რეკვიზიტები.

8.3 მონაცემთა გაცვლის სააგენტო ვალდებულია:

- ა) სააგენტოს მონაცემთა ელექტრონულ ბაზაში ფიზიკურ პირზე არსებული ინფორმაციის დასაქმების სააგენტოსთვის მიწოდების მიზნით, უზრუნველყოს მხარეთა მიერ მონაცემთა გაცვლის ინფრასტრუქტურით სარგებლობა;
- ბ) უზრუნველყოს მონაცემთა გაცვლის ინფრასტრუქტურის მდგრადი და გამართული ფუნქციონირება, მისი უსაფრთხოება და მონაცემთა გაცვლის ინფრასტრუქტურის გამოყენებისთვის აუცილებელი ინფორმაციული მხარდაჭერა;

- გ) უზრუნველყოს სამინისტროს ინფრასტრუქტურის მეშვეობით მიღებული დასაქმების სააგენტოს მოთხოვნის სააგენტოსათვის დაუყოვნებლივ მიწოდება და დასაქმების სააგენტოს მოთხოვნაზე სააგენტოს პასუხის დასაქმების სააგენტოსათვის უცვლელად და დაუყოვნებლივ მიწოდება;
- დ) უზრუნველყოს მონაცემთა გაცვლის ინფრასტრუქტურის მიერ მიღებული და გაგზავნილი ინფორმაციის კონფიდენციალობა და უსაფრთხოება;
- ე) ხელშეკრულების 6.4 პუნქტით გათვალისწინებულ მიღება-ჩაბარების აქტში მითითებული თარიღიდან, სააგენტოსა და დასაქმების სააგენტოს შორის მონაცემთა გაცვლა უზრუნველყოს მხოლოდ რეალურ გარემოში, გარდა ხელშეკრულების 6.2 და 6.6 პუნქტებით გათვალისწინებული შემთხვევებისა;
- ვ) სააგენტოსა და დასაქმების სააგენტოს მოთხოვნის საფუძველზე, მოთხოვნიდან მომდევნო სამუშაო დღეს და მოთხოვნის შესაბამისი ფორმით, მომთხოვნ მხარეს წარუდგინოს ხელშეკრულების 7.5 და 7.6 პუნქტებით განსაზღვრული ინფორმაცია;
- ზ) ხელშეკრულების 9.2 პუნქტით განსაზღვრულ სააგენტოს უფლებამოსილ პირს დაუყოვნებლივ მიაწოდოს ინფორმაცია საკუთარი ინფრასტრუქტურის წვდომაზე წინასწარ უცნობი შეფერხების ან/და იმ აუცილებელი (გადაუდებელი) ტექნიკური ცვლილების თაობაზე, რომელმაც შესაძლოა გამოიწვიოს მის ინფრასტრუქტურაზე წვდომის შეფერხება.
- თ) ხელშეკრულების 9.2 პუნქტით განსაზღვრულ სააგენტოსა და დასაქმების სააგენტოს უფლებამოსილ პირებს აცნობოს საკუთარი ინფრასტრუქტურის წვდომაზე წინასწარ ცნობილი შეფერხების თაობაზე, შეფერხებამდე არაუგვიანეს 3 (სამი) სამუშაო დღით ადრე;
- ი) ხელშეკრულების 9.2 პუნქტით განსაზღვრულ სააგენტოს უფლებამოსილ პირს ცვლილებამდე არაუგვიანეს 3 (სამი) სამუშაო დღით ადრე აცნობოს საკუთარი ინფრასტრუქტურის იმგვარი ტექნიკური ცვლილების თაობაზე რომელიც გავლენას ახდენს მხოლოდ სააგენტოსა და მონაცემთა გაცვლის სააგენტოს ურთიერთკავშირზე და უზრუნველყოს ტექნიკური სამუშაოების ჩატარება სააგენტოსთან შეთანხმებული გრაფიკით;
- კ) არ დაუშვას სააგენტოს მონაცემთა ბაზაზე მესამე პირთა წვდომა, სააგენტოსა და დასაქმების სააგენტოდან მიღებული ინფორმაციის მესამე პირებისათვის გადაცემა, გადაცემის მიზნით დამუშავება/სისტემატიზაცია ან/და სხვაგვარი ხელმისაწვდომობა (გარდა კანონმდებლობით პირდაპირ გათვალისწინებული შემთხვევებისა), როგორც ხელშეკრულების მოქმედების ვადის განმავლობაში, ისე მისი ვადის გასვლის შემდგომ;
- ლ) ხელშეკრულების 10.3 პუნქტით გათვალისწინებულ მიღება-ჩაბარების აქტებზე ხელმომწერ პირთა უფლებამოსილების დადგენისათვის, მიღება-ჩაბარების აქტების გაფორმების მომენტისათვის ხელშეკრულების დანართზე მხარეებს წერილობით ან ელ. ფოსტის მეშვეობით აცნობოს უფლებამოსილი პირების მოვალეობის შესრულების შეთავსების შესახებ ინფორმაცია და ხელშეკრულებით გათვალისწინებული მათი რეკვიზიტები.

8.4 დასაქმების სააგენტო ვალდებულია:

- ა) განახორციელოს ხელშეკრულების 3.2 პუნქტით გათვალისწინებული კავშირის უზრუნველსაყოფად საჭირო ღონისძიებები;
- ბ) სააგენტოდან ფიზიკური პირის შესახებ მონაცემები გამოითხოვოს ხელშეკრულების 5.1 პუნქტით გათვალისწინებულს წესით და ამ ხელშეკრულებით განსაზღვრული მონაცემები მიიღოს ხელშეკრულების მე-2 მუხლით განსაზღვრული მიზნებითა და შესაბამისი სამართლებრივი საფუძვლების არსებობისას;
- გ) სააგენტოს მოთხოვნის საფუძველზე, წარმოადგინოს ხელშეკრულების პირობების შესრულების პირობების გადამოწმებისთვის აუცილებელი ინფორმაცია;
- დ) სააგენტოს მოთხოვნის საფუძველზე, 2 (ორი) სამუშაო დღის ვადაში და მოთხოვნის შესაბამისი ფორმით, წარუდგინოს სააგენტოს ხელშეკრულების 7.2-7.4 პუნქტებით გათვალისწინებული ინფორმაცია;
- ე) მონაცემთა გაცვლის სააგენტოს მოთხოვნის საფუძველზე, 2 (ორი) სამუშაო დღის ვადაში და მოთხოვნის შესაბამისი ფორმით, უზრუნველყოს ინფორმაციის მოთხოვნის საერთო რაოდენობის,

მოთხოვნის შემოსვლის და გასვლის დროის თაობაზე ინფორმაციის მონაცემთა გაცვლის სააგენტოსათვის მიწოდება;

- ვ) არ დაუშვას სააგენტოს მონაცემთა ბაზაზე მესამე პირთა დაშვება (წვდომა), სააგენტოსგან მიღებული ინფორმაციის მესამე პირებისათვის გადაცემა, გადაცემის მიზნით დამუშავება/სისტემატიზაცია ან/და სხვაგვარი ხელმისაწვდომობა (გარდა კანონმდებლობით პირდაპირ გათვალისწინებული შემთხვევებისა), როგორც ხელშეკრულების მოქმედების ვადის განმავლობაში, ისე - მისი ვადის გასვლის შემდგომ.
- ზ) ხელშეკრულების 10.3 პუნქტით გათვალისწინებულ მიღება-ჩაბარების აქტებზე ხელმოწერ პირთა უფლებამოსილების დადგენისათვის, უფლებამოსილი პირების მოვალეობის შესრულების შეთავსების შესახებ ინფორმაცია და ხელშეკრულებით გათვალისწინებული მათი რეკვიზიტები წერილობით ან ელ. ფოსტის მეშვეობით აცნობოს ხელშეკრულების დანარჩენ მხარეებს;

მუხლი 9. მხარეთა კომუნიკაციის პირობები

- 9.1 მხარეები ერთმანეთის ინფორმირებას ახდენენ ამ მუხლში მითითებული ელექტრონული ფოსტის, სატელეფონო ან/და წერილობითი შეტყობინებების გამოყენებით.
- 9.2 ხელშეკრულების პირობების შესრულებასთან დაკავშირებულ საკითხებზე მხარეთა უფლებამოსილი პირები არიან: სააგენტოს მხრიდან - გარე მომხმარებლებთან ურთიერთობის სამსახურის უფროსი, **ვლადიმერ სიჭინავა** (მობ.: 577 61 55 99; ელ. ფოსტა: l.sichinava@sda.gov.ge); მონაცემთა გაცვლის სააგენტოს მხრიდან - მონაცემთა გაცვლის ინფრასტრუქტურის სამმართველოს უფროსი, **ირაკლი მაისაია** (ტელ.: 591 44 06 44; ელ. ფოსტა: imaisaia@dea.gov.ge); სამინისტროს მხრიდან - ინფორმაციული ტექნოლოგიებისა და ანალიტიკის დეპარტამენტის ინფორმაციული ტექნოლოგიების, პოლიტიკისა და ინფრასტრუქტურის ადმინისტრირების სამმართველოს უფროსი, **ირაკლი ელიაშვილი** (მობ.: 577178877; ელ. ფოსტა: ieliashvili@moh.gov.ge); დასაქმების სააგენტოს მხრიდან - ფინანსური და ადმინისტრაციული სამსახურის ტექნიკური უზრუნველყოფის მთავარი სპეციალისტი, **ბაკურ ჯანიაშვილი** (ტელ.: 591919960, ელ. ფოსტა: bjaniashvili@ssa.gov.ge).
- 9.3 ხელშეკრულების 9.2 პუნქტით გათვალისწინებულ პირთა გარდა, ხელშეკრულების შესრულებასთან დაკავშირებულ საკითხებზე უფლებამოსილი არიან მათი მოვალეობის შემსრულებელი პირები.
- 9.4 ხელშეკრულების 9.2 პუნქტში მითითებული პირები ხელშეკრულების დანარჩენ მხარეებს ელექტრონული ფოსტის მეშვეობით დაუყოვნებლივ აცნობენ ხელშეკრულებით გათვალისწინებულ საკითხებთან დაკავშირებით უფლებამოსილ სხვა საკონტაქტო პირთა მონაცემებს (სახელი, გვარი, ტელეფონი და ელექტრონული ფოსტა) და ინფორმაციას, წინამდებარე პირთა უფლებამოსილების შეწყვეტის ან/და ცვლილების შესახებ.
- 9.5 დასაქმების სააგენტო, სააგენტოს ცხელ ხაზზე (032 2401010) ან/და სააგენტოს ელექტრონულ ფოსტაზე (servicedesk@sda.gov.ge) დაკავშირების გზით, იღებს კონსულტაციას ფიზიკური პირის სახელზე გადამოწმებულ მონაცემებში აღმოჩენილი ურთიერთშეუსაბამობის ან პირის იდენტიფიცირების შეუძლებლობისას, მხოლოდ შემდეგ შემთხვევებში:
- ა) ტექნიკური ხარვეზი;
 - ბ) უარყოფითი პასუხი;
 - გ) პასუხის მიუღებლობა;
 - დ) მიღებულ პასუხსა და მისთვის ხელმისაწვდომ მონაცემთა შორის შეუსაბამობა.
- 9.6 ვებ-სერვისით ინფორმაციის მიწოდებასთან დაკავშირებით დასაქმების სააგენტოსა და მონაცემთა გაცვლის სააგენტოს შორის კომუნიკაცია ხორციელდება სააგენტოს ცხელი ხაზის (032 2401010) ან სააგენტოს ელექტრონული ფოსტის (servicedesk@sda.gov.ge) მეშვეობით.
- 9.7 სააგენტო და მონაცემთა გაცვლის სააგენტო, ელექტრონული ფოსტის (servicedesk@sda.gov.ge) მეშვეობით დაკავშირების საფუძველზე, დასაქმების სააგენტოს ამავე ფორმით ინფორმაციას აწვდის მხოლოდ იმ შემთხვევებში, თუ ელექტრონული ფოსტის (servicedesk@sda.gov.ge) მეშვეობით დაკავშირება მოხდა სააგენტოსთვის წინასწარ ცნობილი დასაქმების სააგენტოს უფლებამოსილი პირების მიერ.

- 9.8 დასაქმების სააგენტოს მიერ სააგენტოს ცხელ ხაზზე (032 2401010) ან/და სააგენტოს ელექტრონულ ფოსტაზე (servicedesk@sda.gov.ge) დაკავშირების შემთხვევაში, სააგენტო და მონაცემთა გაცვლის სააგენტო ვალდებული არიან, დასაქმების სააგენტოს დაუყოვნებლივ გაუწიონ კონსულტაცია მის მოთხოვნაზე პასუხის დაგვიანებით მიღების ან/და მიუღებლობის საკითხებზე, თუ აღნიშნული გამოწვეულია სერვისის ტექნიკური გაუმართაობით.
- 9.9 დასაქმების სააგენტოს მიერ სააგენტოს ელექტრონულ ფოსტაზე (servicedesk@sda.gov.ge) დაკავშირებისას, რაც გამოწვეულია სააგენტოს მონაცემთა ელექტრონულ ბაზაში მონაცემთა სუბიექტის შესახებ არსებული მონაცემებისა და დასაქმების სააგენტოსათვის ხელმისაწვდომ მონაცემებს შორის შეუსაბამობის მიზეზით, სააგენტო დასაქმების სააგენტოს კონსულტაციას გაუწევს დასაქმების სააგენტოს მოთხოვნის მისთვის მიწოდებიდან არაუგვიანეს მომდევნო სამუშაო დღის ბოლომდე.
- 9.10 ხელშეკრულების 9.2 პუნქტებით გათვალისწინებულ პირთა ან/და მათი თანამდებობის ცვლილების შემთხვევაში, შესაბამისი მხარე ვალდებულია აღნიშნულის თაობაზე დაუყოვნებლივ, წერილობით, აცნობოს ხელშეკრულების დანარჩენ მხარეებს.

მუხლი 10. მიღება-ჩაბარების აქტის გაფორმებაზე უფლებამოსილი პირები

- 10.1 ელექტრონული სერტიფიკატის მიღება-ჩაბარების აქტის გაფორმებაზე უფლებამოსილი პირები არიან: სააგენტოს მხრიდან - გარე მომხმარებლებთან ურთიერთობის სამსახურის უფროსი, **ვლადიმერ სიჭინავა** (მობ.: 577 61 55 99; ელ. ფოსტა: l.sichinava@sda.gov.ge), ხოლო დასაქმების სააგენტოს მხრიდან - ფინანსური და ადმინისტრაციული სამსახურის ტექნიკური უზრუნველყოფის მთავარი სპეციალისტი, **ბაკურ ჯანიაშვილი** (ტელ: 591919960, ელ. ფოსტა: bjaniashvili@ssa.gov.ge).
- 10.2 ხელშეკრულების 6.3 პუნქტით გათვალისწინებული მზაობის შესახებ მიღება-ჩაბარების აქტის გაფორმებაზე უფლებამოსილი პირები არიან: სააგენტოს მხრიდან - გარე მომხმარებლებთან ურთიერთობის სამსახურის უფროსი, **ვლადიმერ სიჭინავა** (მობ.: 577 61 55 99; ელ. ფოსტა: l.sichinava@sda.gov.ge); მონაცემთა გაცვლის სააგენტოს მხრიდან - მონაცემთა გაცვლის ინფრასტრუქტურის სამმართველოს უფროსი, **ირაკლი მაისაია** (მობ.: 591 44 06 44; ელ. ფოსტა: imaisaia@dea.gov.ge); სამინისტროს მხრიდან - ინფორმაციული ტექნოლოგიებისა და ანალიტიკის დეპარტამენტის ინფორმაციული ტექნოლოგიების, პოლიტიკისა და ინფრასტრუქტურის ადმინისტრირების სამმართველოს უფროსი, **ირაკლი ელიაშვილი** (მობ.: 577178877; ელ. ფოსტა: ieliashvili@moh.gov.ge); ხოლო დასაქმების სააგენტოს მხრიდან - ფინანსური და ადმინისტრაციული სამსახურის ტექნიკური უზრუნველყოფის მთავარი სპეციალისტი **ბაკურ ჯანიაშვილი** (ტელ: 591919960, ელ. ფოსტა: bjaniashvili@ssa.gov.ge).
- 10.3 ხელშეკრულების 10.1 და 10.2 პუნქტებით გათვალისწინებულ მიღება-ჩაბარების აქტებზე ხელმოწერის უფლებამოსილება აქვთ, აგრეთვე, შესაბამის პირთა მოვალეობის შემსრულებელ პირებს.
- 10.4 ხელშეკრულების 10.1 და 10.2 პუნქტებით გათვალისწინებულ მიღება-ჩაბარების აქტზე ხელმოწერ პირთა ან/და მათი თანამდებობის ცვლილების შემთხვევაში, შესაბამისი მხარე ვალდებულია აღნიშნულის თაობაზე დაუყოვნებლივ, წერილობით აცნობოს ხელშეკრულების დანარჩენ მხარეებს.

მუხლი 11. მხარეთა პასუხისმგებლობა და დავის გადაწყვეტის წესი

- 11.1 ხელშეკრულებით ნაკისრი ვალდებულებების შეუსრულებლობისთვის მხარეები პასუხს აგებენ საქართველოს კანონმდებლობის შესაბამისად.
- 11.2 მხარეთა შორის სადავო საკითხები წყდება მოლაპარაკების გზით, შეთანხმების მიუღწევლობის შემთხვევაში, დავას განიხილავს სასამართლო.
- 11.3 წინამდებარე ხელშეკრულების 8.2 პუნქტის „კ“ ქვეპუნქტით დადგენილი მოთხოვნის დარღვევის შემთხვევაში, სამინისტროს სააგენტოს სასარგებლოდ ეკისრება პირგასამტეხლო 5 000 (ხუთი ათასი) ლარის ოდენობით.

- 11.4 წინამდებარე ხელშეკრულების 8.4 პუნქტის „ვ“ ქვეპუნქტით დადგენილი მოთხოვნის დარღვევის შემთხვევაში, დასაქმების სააგენტოს სააგენტოს სასარგებლოდ ეკისრება პირგასამტეხლო 5 000 (ხუთი ათასი) ლარის ოდენობით.
- 11.5 ხელშეკრულებით გათვალისწინებული პირგასამტეხლო მხარეს დაეკისრება ზიანის ანაზღაურების ვალდებულებისაგან დამოუკიდებლად.
- 11.6 ამ მუხლით გათვალისწინებული პასუხისმგებლობის ზომის გამოყენება არ გამოირიცხავს საქართველოს კანონმდებლობით გათვალისწინებული პასუხისმგებლობის სხვა ზომის გამოყენების შესაძლებლობას.

მუხლი 12. ფორს-მაჟორი

- 12.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.
- 12.2 მხარე, რომელსაც შეექმნა ფორს-მაჟორული გარემოება, შესაძლებლობისთანავე, დაუყონებლივ, აცნობებს ხელშეკრულების სხვა მხარეებს ვალდებულების შეუსრულებლობის მიზეზებს და მათი შესრულების მოსალოდნელ თარიღს, რის შემდეგაც, ნაკისრი ვალდებულებების შესრულება შეიძლება გადაიდოს ფორს-მაჟორის გაგრძელების ვადით ან ხელშეკრულება შეწყდეს მხარეთა შეთანხმებით.

მუხლი 13. ხელშეკრულების მოქმედების ვადა და ცვლილებები ხელშეკრულებაში

- 13.1 წინამდებარე ხელშეკრულება მოქმედებს 2020 წლის 14 მაისიდან და ძალაშია 2020 წლის 31 ოქტომბრის ჩათვლით.
- 13.2 წინამდებარე ხელშეკრულების პირობების შეცვლა დასაშვებია მხარეთა ერთობლივი წერილობითი შეთანხმებით.

მუხლი 14. ხელშეკრულების ვადამდე შეწყვეტა

- 14.1 თითოეული მხარე უფლებამოსილია შეწყვიტოს ხელშეკრულება შეწყვეტის თარიღამდე 10 (ათი) კალენდარული დღით ადრე წერილობითი შეტყობინების ხელშეკრულების დანარჩენ მხარეთათვის გაგზავნის გზით.
- 14.2 მხარეები თანხმდებიან, რომ რომელიმე მხარის მიერ ხელშეკრულების შეწყვეტა გულისხმობს ხელშეკრულების შეწყვეტას ყოველი მხარისათვის.

მუხლი 15. ხელშეკრულების დამატებითი პირობები

- 15.1 ხელშეკრულების რომელიმე პუნქტის/ქვეპუნქტის გაუქმება/ბათილობა არ გამოიწვევს მთლიანად ხელშეკრულების გაუქმებას/ბათილობას, თუ იგი დაიდებოდა ასეთი გაუქმებული/ბათილი პუნქტის/ქვეპუნქტის გარეშე.
- 15.2 ხელშეკრულების დანართი წარმოადგენს მის განუყოფელ ნაწილს.

მუხლი 16. მხარეთა რეკვიზიტები

- 16.1 სსიპ „სახელმწიფო სერვისების განვითარების სააგენტო“ – მის.: ქ. თბილისი, 0154, აკ. წერეთლის გამზირი №67ა, ს/კოდი 202307404.
- 16.2 სსიპ „მონაცემთა გაცვლის სააგენტო“ – მის.: ქ. თბილისი, გ. დანელიას ქ. №17; ს/კოდი 204577699.
- 16.3 სსიპ „დასაქმების ხელშეწყობის სახელმწიფო სააგენტო“ – მის.: ქ. თბილისი, აკ. წერეთლის გამზირი №144; ს/კოდი 200293315.
- 16.4 საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო - მის.: ქ. თბილისი, აკ. წერეთლის გამზირი №144; ს/კოდი 202486559.

პერსონალური მონაცემების მიღების მეთოდი

1. მეთოდის მახასიათებლები

- 1.1. მეთოდის უნიკალური იდენტიფიკატორი (SubcontractId): **SESAPersonInfo1**
- 1.2. მოთხოვნის ობიექტში ხელმოსაწერი ქვეობიექტი: **Request**
- 1.3. მოთხოვნის ობიექტში დასაშიფრი ქვეობიექტი: **Parameters**
- 1.4. პასუხის ობიექტში ხელმოსაწერი ქვეობიექტი: **Response**

ზურაბ სანიკიძე

ნიკოლოზ გაგნიძე

მიხეილ ჯანიაშვილი

თამილა ბარკალაია

1.5. პასუხის ობიექტში დასაშვარი ქვეობიექტი: **Person**

1.6. მოთხოვნის რეკვიზიტების შესაძლო კომბინაცია:

- ა) პირადი ნომერი (PrivateNumber) და გვარი (LastName);
- ა) პირადი ნომერი (PrivateNumber) და სახელი (FirstName).

2. მეთოდით მიღებული ინფორმაცია

მოთხოვნის ობიექტის პარამეტრების შესაბამისად, ამავე დანართის მე-4 პუნქტით გათვალისწინებული, სააგენტოს მონაცემთა ბაზაში არსებული ფიზიკური პირის მიმდინარე საიდენტიფიკაციო მონაცემების, და ფიზიკური პირის სახელზე გაცემული პირადობის დამადასტურებელი დოკუმენტის (ასეთის არსებობის შემთხვევაში) შესახებ ინფორმაცია.

3. მოთხოვნის ობიექტის XML სტრუქტურა და პარამეტრების მნიშვნელობა

<Request xmlns="http://www.w3.org/2009/xmldsig11#" Id="ორგანიზაციის უნიკალური იდენტიფიკატორი ">

<SubcontractId>მეთოდის უნიკალური იდენტიფიკატორი</SubcontractId>

<RequestReason> ინფორმაციის გამოთხოვის მიზნობრიობა (არასავალდებულო) </RequestReason>

<Parameters>

<Person>

<PrivateNumber>პირადი ნომერი</PrivateNumber>

<FirstName> სახელი </FirstName>

<LastName> გვარი </LastName>

</Person>

</Parameters>

<Signature> ... ორგანიზაციის მიერ ელ. სერტიფიკატით განხორციელებული ხელმოწერა </Signature>

</Request>

4. პასუხის ობიექტის XML სტრუქტურა და პარამეტრების მნიშვნელობა

<Response xmlns="http://www.w3.org/2009/xmldsig11#" Id=" სააგენტოს უნიკალური იდენტიფიკატორი" TimeStamp="

პასუხის დაბრუნების დრო" ReferenceId=" ორგანიზაციის უნიკალური იდენტიფიკატორი">

<ResultStatus> <!-- სერვისით დაბრუნებული პასუხის სტატუსი-->

<Code> პასუხის სტატუსის კოდი </Code>

<Message> პასუხის სტატუსის აღწერილობა </Message>

</ResultStatus>

<Person> <!-- ფიზიკური პირის მიმდინარე მონაცემები-->

<PrivateNumber> პირადი ნომერი </PrivateNumber>

<CitizenshipCountry>მოქალაქეობა - ქვეყნის დასახელება</CitizenshipCountry>

<CitizenshipCountryCode>მოქალაქეობა - ქვეყნის კოდი</CitizenshipCountryCode>

<PersonStatus> პირის სტატუსი </PersonStatus>

<PersonStatusId> პირის სტატუსის იდენტიფიკატორი (1-აქტიური; 2-გარდაცვლილი; 3-გაუქმებული; 4-შეჩერებული.) </PersonStatusId>

<ID> პირადი ნომრის იდენტიფიკატორი </ID>

<Document> <!-- ფიზიკური პირის დოკუმენტის მონაცემები-->

<DocTypeID> დოკუმენტის ტიპის იდენტიფიკატორი </DocTypeID>

<DocTypeName> დოკუმენტის ტიპი </DocTypeName>

<ID>დოკუმენტის იდენტიფიკატორი</ID>

<StatusId> დოკუმენტის სტატუსის იდენტიფიკატორი (1 - აქტიური; 2 - გაუქმებული; 3 - შეჩერებული; 4 - გაბათილებული;) </StatusId>

<StatusName> დოკუმენტის სტატუსი </StatusName>

</Document>

</Person>

<Signature> სააგენტოს მიერ ელ. სერტიფიკატით განხორციელებული ხელმოწერის ქვეობიექტი </Signature>

</Response>

დანართი №2

შიფრაციის ღია გასაღების გაცვლის მეთოდი

ზურაბ სანიკიძე

ნიკოლოზ გაგნიძე

მიხეილ ჯანიაშვილი

თამილა ბარკალაია

1. მეთოდის მახასიათებლები

- 1.1. მეთოდის უნიკალური იდენტიფიკატორი (SubcontractId): **SESAKeyExchange1**
- 1.2. შიფრაციის გასაღების განახლების მაქსიმალური პერიოდი: **24 საათი**;
- 1.3. მოთხოვნის ობიექტში ხელმოსაწერი ქვეობიექტი: **ECKeyValue**
- 1.4. პასუხის ობიექტში ხელმოსაწერი ქვეობიექტი: **ECKeyValue**

2. მეთოდით მიღებული ინფორმაცია

მოთხოვნის ობიექტში ორგანიზაციის ღია გასაღების რეკვიზიტის შესაბამისად სააგენტოს მიერ გენერირებული სიმეტრიული ღია გასაღები.

3. მოთხოვნის ობიექტის XML სტრუქტურა და პარამეტრების მნიშვნელობა

<Request>

<SubcontractId>მეთოდის უნიკალური იდენტიფიკატორი</ SubcontractId >

<Parameters>

<ECKeyValue Id="ორგანიზაციის მიერ მინიჭებული უნიკალური იდენტიფიკატორი"
xmlns="http://www.w3.org/2009/xmlsig11#">

<NamedCurve URI="urn:oid:1.3.36.3.3.2.8.1.1.7" (წინასწარ შეთანხმებული ელიფსური წირი
კრიპტოგრაფიისთვის) />

<PublicKey> ორგანიზაციის მიერ გენერირებული ღია გასაღები</ PublicKey >

<Signature>... ორგანიზაციის მიერ ელ. სერტიფიკატით განხორციელებული ხელმოწერის ქვეობიექტი ...
</Signature>

</ECKeyValue>

</Parameters>

</Request>

4. პასუხის ობიექტის XML სტრუქტურა და პარამეტრების მნიშვნელობა

<Response Id="პასუხის უნიკალური იდენტიფიკატორი" ReferenceId="მოთხოვნის უნიკალური იდენტიფიკატორი "
TimeStamp="პასუხის დაბრუნების დრო">

<ResultStatus>

<Code> პასუხის სტატუსის კოდი </Code>

<Message> პასუხის სტატუსი </Message>

</ResultStatus>

<ECKeyValue Id="გასაღების წყვილის უნიკალური იდენტიფიკატორი"
xmlns="http://www.w3.org/2009/xmlsig11#">

<NamedCurve URI="urn:oid:1.3.36.3.3.2.8.1.1.7" />

<PublicKey> სააგენტოს მიერ გენერირებული ღია გასაღები </PublicKey>

<Signature> ... სააგენტოს მიერ ელ. სერტიფიკატით განხორციელებული ხელმოწერის ქვეობიექტი ...
</Signature>

</ECKeyValue>

</Response>